



Izjava političkih direktora Upravnog odbora Vijeća za provedbu mira

Politički direktori Upravnog odbora Vijeća za provedbu mira (*Peace Implementation Council - PIC*) danas su osudili događaj nazvan "Veliki skup potpore hrvatskim uznicima u Hagu te svim nepravedno optuženim i osuđenim hrvatskim braniteljima HVO-a", koji je najavljen za 8. juni 2017. godine u Mostaru.

Politički direktori su naglasili da sve institucije u Bosni i Hercegovini, uključujući političke, vjerske i organizacije civilnog društva, treba da djeluju u pravcu promoviranja pomirenja, međusobnog razumijevanja i tolerancije, te izbjegavaju događaje, aktivnosti i retoriku koji produbljuju podjele, što uključuje i glorificiranje osuđenih ratnih zločinaca, istorijski revizionizam, te provokativnu upotrebu simbola. Ne treba praviti nikakve poteze, ni u Mostaru niti drugdje, koji za posljedice imaju produbljivanje podjela i podizanje tenzija.

Politički direktori Upravnog odbora PIC-a čvrsto su uvjereni da oni koji podržavaju ovakve skupove, čiji je cilj podrška optuženim i osuđenim ratnim zločincima, ne djeluju u skladu sa evropskim vrijednostima, vladavinom prava ili vlastitim deklariranim težnjama ka članstvu u Evropskoj uniji i sudjelovanju u demokratskim procesima.